




謨訓輯要天

73  
5098  
1



門 2 條 3  
號 5098  
卷 / - 3



春坊編纂

# 謨訓輯要

戊寅校印

## 謨訓輯要凡例

一此編就實鑑誌狀羹墻錄抄輯而實鑑則紀年羹墻錄則分類互相抵牾故第次則各於列朝從事實比類書之引用書亦不載錄

一列聖諱號謹依實鑑例載錄

一書年者以時繫事而此與編年史體有異故並闕之而或有因事表著處則特書之一絲綸之節略字句之補綴一依實鑑羹墻

錄例



一 追隆朝載錄謹依羹墻錄例

一 列聖謨訓史不勝書而此編則只就易知可法者抄輯故詳於冲年事蹟而略於政法至如絲綸疏章若無事實之表著則並略之

一一事之並著於 列朝者闕於前而詳於後如 宗系辨誣使之始於 太宗朝而詳錄於 宣祖朝國朝寶鑑之初於 世祖朝而詳錄於 正宗朝之類也

謨訓輯要目錄

卷之一

太祖朝 二十六則

定宗朝 八則

太宗朝 三十二則

世宗朝 四十三則

卷之二

文宗朝 十四則

端宗朝 五則

世祖朝 四十一則

德宗朝 二則

睿宗朝 九則

成宗朝 五十七則

卷之三

中宗朝 四十三則

仁宗朝 二十則

明宗朝 十六則

宣祖朝 三十七則

元宗朝 三則

卷之四

仁祖朝 二十則

孝宗朝 四十五則

顯宗朝 二十三則

肅宗朝 六十四則

卷之五

景宗朝 七則

英宗朝 百三十三則

真宗朝 六則

卷之六

正宗朝 百四十五則

謨訓輯要卷之一

太祖朝

太祖康獻至仁啓運聖文神武正義光德大王

諱 [REDACTED] 字 [REDACTED] 初諱 [REDACTED] 字 [REDACTED] 桓祖第

一子至元乙亥十月十一日己未誕降于

永興黑石里私邸在位七年在上王位十

年 皇明永樂戊子五月二十四日壬申

昇遐壽七十四葬健元陵

州在揚

上天姿奇偉隆準龍顏身長而臚

均也

耳大絕異

平居常閉目而坐望之凜然有僧惠澄善相



人私謂所親曰吾相人多矣無如 李其其  
代王氏而興乎嘗夢有神人自天而降授以  
金尺曰公資兼文武持此正國非公而誰  
高麗侍中崔瑩勸辛禡攻遼以 上為右軍都  
統使 上力陳四不可禡不聽 上退而泣  
曰生民之禍自此始矣師至威化島 上諭  
諸將曰與其獲罪 天朝貽禍生民盍與卿  
等親見王陳禍福以安生靈乎於是仗義回  
軍渡鴨綠江時霖潦數日而水不漲及旋師  
渡岸大水驟至全島墊沒人皆神之

高麗恭愍王時紅巾賊二十萬陷開京王南走  
福州徵諸道兵討賊 上以親兵二千人先  
登大破之賊以槍刺 上右耳後勢甚迫  
上拔劍斫七八人躍馬踰城馬不蹉跌  
辛禡時倭賊五百艘寇下三道屠燒殺掠人民  
殆盡 上以三道都巡察使往征之東踰雲  
峯賊兵突出圍 上數重 上抽矢立殪八  
人賊不敢前有一將驍勇無比所向披靡稱  
曰阿只拔都 上先射其兜鍪絕而落使  
李之蘭射殺之賊大崩川流為赤屢日



皇明太祖高皇帝洪武二十五年壬申秋七月十六日丙申 上即位于壽昌宮時高麗政亂 上勲德日隆天命人心已有所屬 太宗與南閭等五十二人協謀推戴 上勉登王位國號朝鮮十一月定都于漢陽營建宮室 宗廟追尊 四代乃教中外大小臣僚領職如舊存王氏之後以奉其祀慎刑罰蠲徭賦褒節義哀鰥寡賑窮乏正經界定科制著冠昏喪制之禮重守令之選庶政一新 上登極遣使奏聞 高皇帝詔曰三韓之民既

尊李氏民無兵禍人各樂其樂乃帝命也繼又有 勅更國號曰朝鮮之稱美矣可本其名而祖之體天牧民永昌後嗣後僕長壽入朝 天子引見便殿備說得天下之由仍曰汝君得國亦猶是也天不與人不歸則其可以力取之哉

命鄭道傳撰新宮諸殿門名道傳並書取名之

義以進新宮曰景福取周雅君子萬年燕寢

曰康寧殿取洪範九五燕寢之東小寢曰延

生殿西小寢曰慶成殿取天地之於萬物生

入代天理物其政令施為一本乎天地之運也燕寢之南殿曰思政

殿取天下之理思則得之於人君其用至矣日

南正殿曰勤政殿其門曰勤政門勤則治不

勤則廢先儒曰朝以聽政晝以訪問夕以修令夜以安身此入君之勤也東西二

樓曰隆文隆武取文以勘亂也午門曰正門取

者天子之門曰端門端者正也

上開國時所御駿馬有八一曰橫雲鵲產女真

三曰追風烏產女真四曰發電赭產安邊五

日龍騰紫產端川六日凝霜白產濟州七日

獅子黃產咸興世宗朝命護軍安堅圖肅

其形集賢學士成三問等作贊以傳後

宗又製序并贊

上為上王北巡時奉安 四祖位版於咸興本

宮後以遺教同奉 上之位版盖倣漢原廟

制也殿前有豐沛樓殿後有六松即 上手

植松軒之號以此也殿內藏冠服弓箭橐鞬

上所御也後肅宗製弓銘

上天性仁厚敦睦九族與庶兄元桂庶弟和友

愛篤至常與共處迎和毋定安翁主至京邸

事之甚謹進見之時常跪於階下

上在咸州時構小屋於歸州洞雪峯山下讀書

其中有水石之勝後人即其地重建扁曰讀書聖址

上素重經術雖在軍旅每引名儒商確經史或夜分不寐

上嘗以家門未有業儒者為嫌令太宗就學太宗惟日孜孜讀書不倦上嘗曰成吾志者必汝也

諫官上疏曰經筵之設徒有其名而未聞有進講之時勅業之主子孫所儀刑殿下若以經筵為不急後世藉以為說其流必至於不

學上乃命大司成劉敞內史舍人柳觀等

更日入直進講大學衍義

置都評議使司六曹開城府及移都府司憲府

門下郎舍後改為司諫院中樞院藝文館及百各司

置八道觀察使

置敬輿府掌中宮僚屬置世子侍講院翊

衛司

命鄭道傳撰經濟六典一曰治典二曰賦典三曰禮典四曰政典五曰憲典六曰工典定考課之法四條曰公明廉勤立殿最之目八條

曰田野闢戶口增學校興禮俗成獄訟平盜賊息差役均賦斂節使河崙詳定頒行

鑄大鐘建閣通衢而懸之晨昏撞擊嚴人民作息之限

命書雲觀刻天文圖于石以定中星使權近識之

始置藉田

丁丑經始太學相地于國都之東北隅翌年文廟成置學田以供粢盛廩生徒賜復戶以應灑掃使令之役

上聞繕工監將構亭於世子邸謂承旨曰比年工役稍繁皆不得已也世子雖無亭榭可也其罷之

上以早求言言者皆以亟罷土木之役汰女官宦官之職早朝聽政親君子遠小人為對於是命罷宮闕造成悉停宮主翁主宅主女官之祿問于都堂曰卿等所言雖切然不直書其事直指其人而微諷何也

命兩府六曹各舉賢良遺逸

高麗時崇信釋教捨施財帛營建寺塔給田與

奴不可勝紀及上開國立法以禁之  
左散騎常侍劉敬乞辭職學仙上曰爾之遇  
知於我非一日也今爾忽然遁去人將謂何  
且學仙者必遺君父爾棄我則不忠棄親則  
不孝爾欲學仙何也

定宗朝

定宗恭靖懿文莊武溫仁順孝大王

諱

初諱

太祖第二子至

正丁酉七月朔日誕降于咸興歸州洞私  
邸在位二年在王位十九年 皇明永  
樂己亥九月二十六日戊辰昇遐壽六十  
三葬厚陵在豐德

上御經筵揭歌器圖于壁以示羣臣知經筵事  
李舒推演虛則歌滿則覆之理備言持盈之  
難 上悅

言言車馬卷之一  
上御經筵知經筵事權近奏曰人主之學不但讀書必務正心心有所蔽則一言一事之應皆不得其正故傳說告高宗曰惟學遜志遜者虚心之謂也 上深然之

始令史官入侍經筵門下府上疏曰史官之職凡人主言動時政得失直書不諱所以備觀省而垂勸戒也前朝之末荒淫無度憚史官直書使不得近宜鑑前失令史官日侍左右記言動時政以為萬世弘規 上從之

太上王將幸金剛山 上請曰去年水旱民罹

饑饉矧今孟夏農作方殷大駕所臨雖簡其扈從恐妨民事 太上王悅曰父為子言子為父言安有不慮而發乎乃止

始置條例詳定都監下百官章奏命擬議

始祀先蠶

置市廛

元良哈獻狼 上謂筵臣曰此雖遠人所獻而畜之宮苑則月費六十雞豈以有用之物養無用之獸乎命放于野

太宗朝

太宗恭定聖德神功文武睿哲成烈光孝大王

諱

字

太祖第五子至正丁未

五月十六日辛卯誕降于咸興歸州洞私

邸在位十八年在上王位四年 皇明永

樂壬寅五月十日丙寅昇遐壽五十六葬

獻陵

州在廣

上在松都楸洞潛邸己卯九月天欲曙而星稀

有白龍見于寢室之上俄而雲霧翳塞不知

所之

太祖威化回軍時 神懿王后 神德王后在  
抱川田庄 上在京聞變走馬至抱川奴僕  
已盡逃 上陪奉 兩后向東北面而行乘  
馬降馬皆親扶持之自於腰間齎熟食以奉  
養路險水深處自牽馬行

辛禍時 上登第 太祖拜謝闕庭感極流涕  
及拜提學 太祖喜甚令人讀官教至再三  
每宴賓客令 上聯句以助歡

上謂輔臣曰前朝之君即位以來親享宗廟不  
過一二故必備盛禮予欲以為常事當祭日

率近臣從間道以往百官陪祭自如常儀翌  
年命作 宗廟墻北門

皇明成祖皇帝遣使賜樂器 鐘 磬 琴 瑟 笙 簫 管 上率

百官詣太平館祇受自是用于 太廟裸享  
上以久旱命金科講詩雲漢篇教曰雖下禁酒  
之令飲酒者不止是予不斷酒之使然也命  
不進酒國人無敢飲者

夏旱 上方疾篤憂念不釋至五月上旬上賓  
是日大雨滂沱遂以有年是後每年諱辰雨  
輒如期國人謂之 太宗雨



言軒要卷之一  
上講大學畢謂金科曰讀此書乃知學問之有益於人也科對曰經筵官欲陳賀已詣宮門矣上曰非知之艱行之為艱待予能行然後賀未晚也讀了一書何足賀

上命擇儒臣有文行者為元子僚屬營元子學宮于成均館筵臣曰元子入成均館則誰得以訓之莫如闕內上曰雖闕內誰得以訓之莫如成均遂置元子府號敬承

召元子諭善及侍學侍直等曰今為元子多設僚屬者欲其薰陶漸染以成其德也國祚長

短生民休戚係焉可不謹乎

上嘗問世子曰桀紂何以謂之獨夫世子對

曰以失人心也上曰桀紂為天下主而失人心一朝至為獨夫况予與爾若失人心必不能一朝居是位也其可忽乎

上欲以大學衍義后夫人可法可戒之事教中宮及世子淑嬪以下諸宮人命書衍義齊家之要以進

上謂左右曰衣食民生所重不可偏廢古者有后夫人親蠶之禮自今宮中納麻枲以備紡

績

上始謁聖陞配宗聖公會子述聖公子思于大成殿以子張躋于十哲又以董仲舒許衡從祀東西廡黜揚雄

上崇獎節義特贈鄭夢周領議政謚文忠錄其二子

上在東宮與書筵官論遺逸曰吉再剛直人也我嘗同學不見久矣下令徵之再乘傳至

上啓于 定宗授奉常博士再上書于 上曰再於昔日得與 邸下讀詩泮宮今之召

不忘舊也然再於辛朝登科筮仕及王氏復位即歸于鄉若將終身今者再欲上謁耳從仕非再志也 上曰召之者吾也官之者上也告辭於 上可也再又上書 定宗定宗嘉其節禮以遣之復其家

命漢城府南學分所設場以古賦十韻詩應初會試 上御勤政殿放榜給白牌生進兩頭場始此

上慮本國書籍鮮少不能博觀命置鑄字所範銅為字隨其所得印之

言言事要卷之十一  
上謂議政府六曹曰今國家無事予當寒沍每日視朝煩卿等早朝者無他欲與卿等克勤無怠以盡敬天勤民之道

臺諫劾政府按律之誤政府上言政府百官之長今為臺諫論劾無顏復仕都堂 上曰臺諫尚論人主論政府何足恠乎

慶尚道漕船三十四艘沒于海中 上聞之臨朝慨然曰責實在予是驅人就死地也又教曰米不足惜死者何罪筵臣曰陸輸之難甚於水運 上曰牛馬之勞不猶愈於人之死乎

乎

上聞禮賓寺以陳米養池魚召問之對曰月費十斗 上曰米雖陳腐不猶愈於蔬菜乎人有饑饉而不能救何用養魚其罷之

上曰上林苑花器負重難致我不好花卉自今勿令進貢以寬民力

咸吉道節制使欲進馴鹿 上聞之曰珍禽異獸古人所戒其勿進

命作楮貨令民用之始量田

始設申聞鼓以通下情

駙馬權跬子聰幼時 上甚愛之常置膝上侍

臣中有長髯者聰剔之羣臣請罪之 上曰

朝廷之禮不可不嚴聰罪當誅然幼穉無識

可貸其死幽聰於崇禮門外歲餘 上引接

羣臣教曰予有孫聰病中甚念之畏朝廷不

敢見羣臣頓首請赦始命釋之

上論漢唐以後外戚用事之弊曰使外戚通籍

宮中出入無防非人君長遠之計也宜當制

之於未萌

成祖皇帝遣太監黃儼迎銅佛于濟州儼請

上先拜佛像後行禮 上曰藩國禍福在

天子不在佛當先見 天子使臣豈容拜吾

土銅佛竟不拜

上講大學衍義論趙高事教曰宦官之設本以

給事於前也豈可任以國柄筵臣對曰古之

人君亦知其不可也但朝暮侍側甘言卑辭

阿諛苟悅人君若不能明察則必墮於術中

矣故當防微杜漸消患於未然也

上嘗教曰予觀經史宦官雖或有忠於君者而

談言車要卷之一  
十四  
其佞君亡國者率多然宮闈之間不可無此輩也今宦官每以小事欺予予非不知置之於法但無知小豎不可事事譴責也昨夜因有微恙問掌膳者不在乃知宦官擅自遣出不可容貸自今承政院每夜點檢入直宦官及掌膳者

### 世宗朝

世宗莊憲英文睿武仁聖明孝大王

諱

太宗第三子

皇明洪武

丁丑四月十日壬辰誕降于漢陽潛邸在位三十二年景泰庚午二月十七日壬辰昇遐壽五十四葬英陵

在驪州

太上王召筵臣曰 主上每日常來謁與之談話甚適然恐廢事爾往言之間日而來對曰 上常以未效文王之日三朝為恨豈以間日為安且 上每視事後來謁不至停滯也

太上王曰果如爾言予心安矣

禮曹請別建 祧廟於 宗廟之西左議政朴

嘗叅贊卞季良以為 四祖殿若建於 太

室西則 太祖以下皆子孫也卑者在側而

四時大享尊者不與於人情未安宜與 宗

廟隔遠 上王在豐壤聞之曰 祖宗在天

之靈豈以地之遠近有聞不聞耶宜建於

太室之西號 永寧殿只行春秋大享祭品

視 宗廟

上以 祖宗積累之深締造之艱後王不可不

知乃命權躡鄭麟趾等撰述 穆祖以後肇

基之跡名曰龍飛御天歌摠一百二十五章

命鉞梓賜羣臣以為朝祭宴享之樂辭

皇明太祖 成祖皆賜樂器而聲不中律祭樂

未備乙巳秋秬黍生於海州丙午春磬石產

於南陽 上慨然有更新之志命朴堧推儀

禮詩樂及林宇釋奠樂譜作朝祭雅樂譜至

是又命堧造編磬二架又用秬黍制黃鐘管

以協十二律朝祭之樂始備又述 祖宗功

德製保太平定大業等舞曲俾用於宴享會

禮

上嘗命制諸儀象若大小簡儀渾儀渾象仰釜日晷日星定時圭表禁漏等器皆極精巧其規模制度皆出睿裁又於千秋殿西庭建小閣一間糊紙為山高七尺許置閣中內設玉漏機輪以水激之又作四神十二神鼓人鐘人司辰玉女凡百機關不由人力自擊自行若神使然天日之度晷漏之刻上與天行不差毫釐又用漏之餘水而作欹器虛則欹中則正滿則覆皆如古訓以觀天道盈虛之理

山之四方依豳風七月詩作四時之景刻木為人物鳥獸草木之形按其節候而布之以見民生稼穡之艱名其閣曰欽敬

鑄銅為器名曰測雨

長一尺五寸  
圓徑七寸

築臺書雲觀

置之每雨後用周尺量水分寸以奏頒器制于諸道令守宰各報雨多少

上謂近臣曰予在表經之中久不御經筵若後世視以為法幼主即位三年不讀書豈小故哉軍國重事亦不得已聽斷况讀書乎遂開經筵

御經筵講通鑑綱目徹卷謂筵臣曰真西山云  
通鑑綱目卷帙多人主未易盡覽予讀此書  
今已三年矣

上自在潜邸好學不倦嘗有微恙猶且讀書不  
已太宗使小宦盡去書帙唯歐蘇手簡在  
側乃取盡閱及即位手不釋卷雖在進膳時  
必開卷置諸左右或至宵分疊疊不厭嘗謂  
近臣曰予在宮中無有斂手閒坐之時

上每日四鼓求衣平明受朝次視事次輪對次  
經筵盛暑極寒未嘗少懈勵精圖治終始如

一

上於書無所不讀凡一經耳目終身不忘其讀  
經書則必過百遍子史則必過三十遍精研  
性理博通古今設集賢殿聚儒士以備顧問  
上謂代言等曰人生八歲入學古制也今世子  
年八歲可擇日入學於是王世子備儀衛  
率僚屬至成均館以儒服入大成殿酌獻畢  
遂行束脩禮于博士升堂受小學而還  
上謂左右曰世子今當蒙養之時宜選端士以  
為寮屬至於扈衛之官亦須慎簡



上謂卞季良曰豳風無逸篇備載稼穡之艱難  
 然本國土俗異於中國民間生業之艱徭役  
 之苦卿其逐月作圖仍述警戒之意以進  
 上以五方風土不同樹藝各有其宜不可盡同  
 古書命諸道觀察使逮訪老農以聞命摠制  
 鄭招詮次成書名曰農家集成頒于中外  
 上損益 列朝憲章以成經濟六典規模宏遠  
 條貫詳密可為萬世法程

上晚年倦勤而惓惓於文學命諸儒臣分局撰  
 書如四書五經音解高麗史韻書五禮儀治

平要覽皆出睿裁

上以諸國各製文字以記其國方言獨我國無  
 之親製訓民正音字母二十八字名曰諺文  
 開局禁中命鄭麟趾等撰定之倣古篆分為  
 初中終聲字雖簡易轉換無窮諸語音文字  
 之所不能記者悉通無礙雖風聲鶴唳雞鳴  
 狗吠皆可得而書矣中朝翰林學士黃瓚時  
 謫遼東命成三問等往來質問凡十三度  
 上教鄭麟趾曰自周以降代各有史然編簡浩  
 穰未易遍考卿其考閱史籍其善惡之可為

懲觀者撰次成書以為後世子孫之觀鑑吾東方興廢之跡並令編次於是聚文學之士數十人於集賢殿分科責成命世祖監之書成名曰治平要覽

上哀集古今忠臣孝子烈女事迹圖形記傳係以詩贊編三綱行實頒諸中外至於窮村僻巷兒童婦女莫不觀省

命新建新羅始祖廟于慶州府南景宗癸卯賜額曰崇德殿

教曰高麗之君有功德於民者已令奉祀陵墓在舊都者令禁其樵採時加修護

上曰太祖太宗忌辰功臣等每就寺設水

陸甚違禮意許稠曰古禮支庶不得祭先祖大夫不得祭諸侯况水陸之非禮乎遂命罷之

上慮經界不正收稅不中因地膏墾年歲豐歉

分其等第制度甚詳慮五禮吉凶軍賓嘉未備參酌古今制為定禮風俗歸正

始令百官輪對東班限六品西班限四品以衙門次第每日輪對

始置講書院

定百官科祿定布帛尺

立家舍間閣之制

大君六十間 公三十間 宗親文武官二品以上三十

十間 三品以下二十間 庶人十間 過制則并撤去

上嘗患渴疾代言等啓醫云宜先食治白雄雞

黃雌雉羊肉皆能止渴請令有司逐日供進

上曰吾寧為自奉以戕物命况羊非本國之

所產乎代言等曰官羊滋蕃請姑試之 上

竟不許

上行養老宴于勤政殿老人升殿之時 上起

立於座翌日 中殿宴年老婦女于思政殿

上待妃妾嚴其名分盡其雍睦家道克正無有

間言有子十八嫡庶之間儀章恩數悉有等

差教以義方皆好學達理無有驕傲奢侈之

習

時集賢殿學士早仕晚罷日官奏時然後乃出

朝夕飯以內官為對客宣飯之名始此

上曰史官當盡記一時行事之迹以示後世為

人上者豈可使史官善則記之不善則不記

乎

上謂大臣曰歷觀往昔太平之世尚有牽裾切

諫者今雖小康未及於古未見有敢言者何也開懷求諫務使盡言言雖不中未嘗罪之集賢學士以佛堂事力諫不聽學士皆退歸其家集賢殿為之一空上召大臣黃喜謂曰集賢諸生棄我而去將若之何喜曰臣請往諭遂徧往諸學士家懇請以來

上以早出宮人年壯者歸其家

上凡於珍玩之物無所好命上林園花卉鶉鴿悉散給民間

上曰宗室僕隸豪橫民間此無他為無禁制也

古者宗正寺掌親屬糾察愆違自今宗親過失令宗簿寺糾理

命鄭麟趾李石亨等集歷代攻戰之可戒可法

者首陽大君祖世監之始自黃帝涿鹿之戰

迄于東國名曰歷代兵要又考定將鑑博議增入本傳事跡以教將士修戰艦以習水戰制火桶以繕軍器於是戎政大備

以金宗瑞為咸吉道觀察使措置北邊或言宗瑞以有限之人力開不成之役罪可誅也

上不撓專任宗瑞建置慶興會寧鍾城穩城

四鎮築城實民凡六年而六鎮咸定

合慶源富寧稱

六鎮上曰雖有寡人若無宗瑞不足以辨此

事雖有宗瑞若無寡人不足以主此事

上禮遇臣下終上之世士大夫無遭刑戮者

大小刑罰克用慎恤戒飭官吏雖一笞一杖

皆用朝廷律文切禁枉濫明載教令頒諸境

內掛之廳壁常加警省至於犴獄作圖以示

中外依圖營構寒暑異處周恤甚備無橫罹

瘦病者矣

上教曰人之五臟之係皆近於背拷掠之際率

多鞭背頗傷人命自今除笞背法違者抵罪

又禁劓刖黥刑之刑

上教曰囹圄之繫捶楚之嚴人所共苦老幼尤

可矜恤自今十五歲以下七十歲以上除殺

人強盜外不許禁身八十以上十歲以下雖

犯死罪亦勿禁身拷訊據衆證定罪

謨訓輯要卷之一

謨訓輯要卷之二

文宗朝

文宗恭順欽明仁肅光文聖孝大王

諱

世宗長子

皇明永樂甲

午十月三日癸酉誕降于漢陽私邸在位

二年景泰壬申五月十四日丙午昇遐壽

三十九葬顯陵

州在揚

上自幼聰明好學八歲入學自是學日進常接

賓師動以規矩無少怠容講論書史手不釋

卷一日之間未嘗少閑

嘗於後苑手栽櫻桃候節以進 世宗必嘗之  
曰外間所進何似世子手種

上性寬仁簡默孝友恭儉不喜聲色戲玩潛心  
於性理之學 世宗以疾不能視事乃命叅  
決庶務凡羣臣啓事皆曰當白至尊不自可  
否及 世宗薨即位于柩前悲泣不自勝衫  
袖為之盡濕居廬水漿不入口哀毀瘠立時  
病疽新愈瘡口未合大臣請退居溫室調保  
不許 輝德殿几筵之奉雖隆寒盛暑未嘗  
暫廢每朔望節祭悲泣汎瀾左右莫能仰視

上性好學貫徹經史洞達今古時與侍臣尚論  
歷代治亂之機先儒異同之說言簡而意暢  
聞者莫不充然有得至於曆數聲韻皆極其  
精為文章操紙立書未嘗凝思又好趙子昂  
書書法精妙入神得寸簡尺紙者如重千金  
上久在承華沈潛學問月明人靜或手携卷步  
至集賢直廬與之問難成三問等在直夜不  
敢輒解冠帶一日宵刻將半意鶴駕不出脫  
衣欲卧忽聞戶外履聲呼謹甫而至顛倒出  
迎

上嘗召集賢殿諸臣秉燭論難至夜分遂賜酒  
上執爵以勸成三問等皆仆 上前不省人  
事 上命中官擔出列卧入直廳是夜大雪  
諸臣醒則異香滿室覆以貂皮衾乃 上手  
自覆也

命建崇義殿于麻田郡奉高麗歷代祠宇又以  
高麗名臣之有功德者配享

上自諒闇之後聖體未嘗康寧而過於憂勤有  
請間日視事怡養精神者 上曰人君耽樂  
則雖千年而不足不然則雖一年亦足矣必

須憂勤不可自逸

上曰古有內作色荒外作禽荒甘酒嗜音峻宇  
雕墻一向好著者此人君之通患也吾性不  
喜此雖有勸者不能好也

教曰尊高年古今之通義大夫以年老致仕歸  
鄉者令所在官月致酒食每於四孟朔具錄  
以聞

上曰我國自来防川貯水以資灌溉而遺利尚  
多若遇水旱民受其害救民之術莫若防川  
灌溉每見監司守令必以農務水利勉之



言言要卷之二  
上作陣法九篇勇怯勝敗之勢二十八變以教  
士卒常行操鍊而時親閱之軍械亦令整理  
自是軍旅精銳  
命儒臣撰東國兵鑑又置五衛  
上曰犴獄之設本以懲有罪而非欲致人於死  
司獄吏率非法困囚以肆侵漁則許囚人親  
屬陳訴痛治

端宗朝

端宗恭懿溫文純定安莊景順敦孝大王

諱

文宗子

皇明正統辛酉七月

二十三日丁巳誕降于東宮之資善堂在  
位三年在上王位二年丁丑十月二十四  
日甲寅昇遐壽十七葬莊陵

在寧越

上臨紫薇堂見窓欄太息曰此世宗所御處  
也若世宗在世吾之見愛豈其少乎仍泫  
然泣下左右皆感涕

諫官有忤旨者上將罪之旋教曰今罪諫官

諺言車要卷之二  
恐塞言路優容言官 祖宗朝故事也其赦之

慶尚道觀察使李崇之進琵琶左承旨朴彭年啓曰方物外不得私獻禮也况 殿下冲年嗣位崇之敢進玩好之物此雖細行恐累大德請却之 上嘉納命自今諸道毋進玩好命文武百官團領胷背之制倣 皇朝儀章照品穿着

命刊印高麗全史廣布中外

### 世祖朝

世祖惠莊承天體道烈文英武至德隆功聖神明睿欽肅仁孝大王

諱

世宗第二子

皇明永樂

丁酉九月二十九日丙子誕降于本宮在位十三年成化戊子九月八日甲子昇遐壽五十二葬光陵

在揚州

上孝友恭儉英明絕倫五歲誦孝經及長博通書史尤好讀性理書凡曆數音律醫卜技藝皆盡其妙嫻於射御常以弓矢自隨 世宗

器愛異於諸大君軍國大事委令參決

嘗馳下峻坂馬躓墜岸下鞍馬俱碎 上飛身

登岸無所傷老武人泣曰不圖復見 太祖

神武也廣平大君璵觀 上之射問曰弓不

良矢何疾也 上曰善書者不擇筆善教者

不擇人君子行仁不擇地志士行義不擇時

上親制窺衡及印地儀蓋量地遠近之儀象也

遂作印地儀頌召藝文儒臣示之無一曉其

義者司藝俞希益直講金紐稍知梗槩

上初即位冊王世子東宮舊無鹵簿命參酌

世宗朝東宮參決庶務故事置儀仗復命講

書時書筵官二負臺諫一負入參尚衣院請

造銀烟爐硯滴 上曰教子弟當先儉約後

嗣子孫生長宮中易生奢侈豈可復以奢侈

導之昔唐玄宗作銅爐以天下之富尚如此

况我國乎其勿啓

上謂戶曹參判李克堪曰卿世子之師為學之

道與其竟日誦一紙耗損志氣莫若涉獵全

書以增辭氣卿其務令多讀以資博洽慎勿

令勤勞讀書志氣衰耗而終為腐儒也

上謂王世子曰古人有言曰敬大臣予今與大臣或戲譎然皆吾故舊乃汝父執不可不敬也

上召書筵官講孟子仍謂世子曰人君以天下奉一己故奢侈易崇儉難古人以服澣衣為人君美德夫服澣衣何德之有然而為美者所以著崇儉之難也

上御思政殿決囚謂世子曰刑獄至重人命所關人主所當軫念者若官吏不察情實捏合成獄曰此人可殺而人主漫不之察亦曰可

殺於君父之道何如也人主每遇獄事當求其可生之道 世宗嘗謂 文宗曰刑獄雖笞罪不可容易處決予未嘗敢忘汝其體此意也

上謂筵臣曰世子年長在宮中其所與處皆婦寺之徒起居甚罕行步不習何以固筋骸之東周公有言先知稼穡之艱難孔子曰愛之能勿勞乎忠焉能勿誨乎予於大君廳北構一室使世子出居於此常與士人居俾知外事

言言車要卷之二  
上謂梁誠之曰教養世子國之大事不可不重  
而予只有一子見之則慈愛之情勝教訓有  
所未至爾其歷採經史及本朝實錄之可法  
可戒者以啓書成賜名曰諭善書命於書筵  
進讀

上於世子身教之外輒以言開發其知嘗曰人  
主之道愛民節儉為本書曰民惟邦本本固  
邦寧凡目前所見之物莫非民膏汝雖小物  
必尋其源以除民弊則其本固矣又曰人主  
切不可逸亦不可多事多事則忽忽劬勞不

能剝理惟本性定然後處處事事晏然不動  
雖勞四體亦不勞矣此汝之終身所行者也  
又曰以心役氣無以氣役心所謂莊敬日彊  
安肆日偷者是也且以政事言之兵刑乃其  
大者汝於兵則近觀閱習庶幾知之而至於  
刑則汝未必知之刑者死生所關不可不慎  
也

命王世子師傅賓客臺諫每月初二日會講賓  
客臺諫每十日進講

上御勤政殿行朝參王世子侍 上謂世子曰

汝所服木綿衣甚薄陋然耕種耘耔採花織絲勤苦以成莫若此衣汝當見衣則思女工之不易見食則思農夫之孔艱儉以自奉罔或不勤節用愛人使民以時

上御丕顯閣王世子侍召成均生真楊守泗等十人講經書使世子執冊曰古人云惟數學半講問於人大有益焉汝其問之

上謂筵臣曰予欲使世子詣成均與諸生齒讓何如丘從直曰古有是禮鄭自英曰古今異宜不可行也 上曰世子生長深宮稼穡艱

難亦未嘗知豢養之餘驕侈易生今茲齒讓之禮一以抑驕侈之心一以敦孝悌之義而自英以為不可是欲以驕侈導世子也其可乎遂命禮曹以親祀文宣王頒周易口訣世子齒列取士開宴之意知委諸道

上謂弼善鄭孝常曰昔在世宗朝 文宗為世子書筵官崔萬理朴重林等見 世子小失必極諫之今未聞然諂之甚也且如世子或事弓矢何不曰文武雖不可偏廢未若偃武而修文也乎仍顧世子曰儒者不可不敬

予與儒者談論時以為迂者蓋戲之耳汝勿信聽此言儒有君子儒有小人儒君子儒尊重禮接猶恐或忽况慢之乎

上語承旨等曰 中宮欲以四民圖代歲畫帖殿壁予以為不可 中宮曰食出於此衣出於此貼而見之不亦可乎遂貼之承旨等對曰農桑王政之本為國母留意實生民之福也

書筵官以蠶室設於東宮會講日地隘不便請移之 上曰蠶桑重事故置諸近地且禮有

夫人蠶繅之文本欲 中宮與世子嬪親見女功也

命建百濟始祖溫祚王廟於稷山縣

上御紺色木綿裘穿青草鞋笠纓用純木携竹杖雖古聖王惡衣卑服無以加焉

上身先儉約常服浣濯 王妃以下皆斥華飾放出宮人只令纔備灑掃汰冗食省浮費以節財用不數年儲峙盈衍民日殷富

上謂侍臣曰我於酒色荒則無之但於禽獸不能無玩好之心然不至於荒雖不若酒色為

累亦甚無益其罷左右鷹坊

上常置粉板于座右輒書所思以施諸事一日  
列書漆林六畜種桑等十餘條出示承政院  
議教勸之方仍教曰此予記事板也巧記不  
如拙書政院亦有是否

上謂史官金利用曰予之所失汝亦可言對曰  
進諫非小臣之任不敢 上顧謂曹錫文曰  
此言何如對曰上自公卿下至百執事皆得  
言之 上曰承旨言是利用殆失言矣命罰  
以酒

戶曹叅判尹士昕擅囚政府典吏士昕 中宮  
之弟也政府以啓 中宮聞而瞿然曰士昕  
不聽我戒以至於此 上先罷士昕職復令  
憲府鞫之

上謂尹士昕曰自古外戚未有不敗其身者汝  
以椒房之親無他異能位至卿相富貴已極  
當尋常戒懼卑以自牧慎勿驕人爾雖不驕  
人自敬之士昕頓首謝諸臣咸曰 上教非  
徒外戚所當服膺在廷諸臣亦當銘佩  
時有日食之變許琮啓論 上好佛法喜遊畋



諫言軼要卷之二  
不御經筵不納諫諍之失命加一資後琮以  
兼藝文講書 上曰爾是前日言事者耶  
上召見輪對官教曰予常患未能日接百官蓋  
大臣每於常參朝啓接之小臣秩卑未得人  
人而接之然今日小臣將為後日大臣者也  
臣之於君易致慙縮未能悉展素蘊爾等肆  
志舒體悉陳無隱予當採納言雖不中亦不  
之罪

教曰予即位以後言官不得盡言一則以予備  
嘗艱厄民之疾苦言之不介意一則以予好

佛言之必怒一則小事言之必曰瑣瑣一則  
以予有嚴威言之恐罪以此進退商量不能  
展職予知其弊久矣予方經綸敢不念 祖  
宗故事言官宜知無不言專以體君安民為  
慮以致隆平

上閱官案令諸臣舉可合承旨者各一人輒問  
其人儒耶喉舌出納當用讀書人

教曰漢光武以天下之大尚減損吏職十置其  
一國小官多食浮於事豈重天祿之意也遂  
汰冗官一百員

言言車要卷之二  
上命典醫監惠民署濟生院造賣救急之藥俾民不夭札

上御便殿與左右語及田野事曰細民跣足跋涉於山蹊多為蛇虺所毒予甚悶焉或言觀音草醫蛇虺毒神效上遂命政院馳書於諸道守令遍諭民間

榜諭京外閑良公私賤隸欲言政治得失民間利害及抱屈含冤不能自達者每日辰時詣光化門外抽籤待問命注書史官輪日出光化門外錄啓軍士則都摠府郎官轉聞之

復行戶牌法 上謂申叔舟等曰戶籍不明何以盡知戶口之數叔舟對曰欲明戶籍當復行戶牌之法 上然之令承政院具事目以啓乃教曰標信皆圓則戶牌宜方且欲令百官先佩以示諸民自今大小臣民皆佩戶牌命寧城君崔恒等撰經國大典初 太祖創經濟六典 世宗成六典續集至是 上以科條漸多有司眩於舉行命恒等改治典為吏典掌文選勲封考課之政改賦典為戶典掌貢賦田糧食貨之政禮典掌祭祀宴享朝聘

學校科舉之政改政典為兵典掌武選軍務  
儀衛郵驛甲兵器仗門戶管鑰之政改憲典  
為刑典掌法律詳讞詞訟奴隸之政工典掌  
山澤工匠營繕陶冶之政本之周官之意近  
倣 皇朝之制撰次成書

命崔恒梁誠之等撰東國通鑑

御製兵將說兵法大旨又命申叔舟等註解武  
經七書

製發兵符分送于各道觀察使節制使

上每語將士曰武而不文非將也遂加敦勸凡

在行間無不讀書

上嘗論朴彭年等曰當代之亂臣後世之忠臣

德宗朝

德宗懷簡宣肅恭顯溫文懿敬大王

諱 [red] 初諱 [red] 世祖第一子 皇

明正統戊午九月十五日丙申誕降于禁

中乙亥冊封 王世子天順丁丑九月二

日癸亥昇遐壽二十 成宗二年追尊為

王葬敬陵 在高陽

上為世子每日雞鳴朝於 兩宮問寢視膳盡

其怡愉之孝事諸父以敬友兄弟以信待左

右仁而有威遇士大夫恭而有禮人無間言

上樂學不倦引書筵官講說者日三焉嘗讀書至舜典璿衡註其制度有難以文字解者即與書筵官登簡儀臺觀渾天儀反復叅證無所滯礙他凡讀書皆然疑則必問問則必審世祖嘗以兵陣家業也不可不知也親授黃石公等書 上服膺聖訓日就高明

睿宗朝

睿宗襄悼欽文聖武懿仁昭孝大王

諱

字

初字

世祖第二子

皇明景泰庚午正月朔日丁丑誕降于私邸在位一年成化己丑十一月二十八日

戊申昇遐壽二十葬昌陵

在高陽

上為世子聰明強記不煩師資 世祖作訓辭以授之

上入則敬承 父王嚴訓出則樂與師友切磋日三進講雖祈寒盛暑未嘗或輟 世祖嘗

曰世子於六藝無所不通

上為世子日必三朝 世祖有疾視膳湯藥晝

夜不離側或召諸醫披考方書目不交睫者

屢日

奉 桓祖以下影幀三十三函于璿源殿

上以舊用烏梅標信多失易奸命改以象牙為

標信大殿標信圓其體前刻宣傳後刻御押

押世宮殿標信銳其體前刻內旨後刻御

押凡各殿標信直其體前刻徽旨後刻御

書標信出納人姓名以防遺失鄭麟趾等復

請依中朝例稱第一

先是人定鐘後罷漏鐘前閉闕門禁人出入而

不鎖鑰至是始命闕門皆下鑰如有邊報及

關係國家大事者用宣傳官標信開鑰以為

例

禁府經歷李仁畦上疏論時弊語多 先朝事

上初欲鞫問既而釋之教曰汝直言予過則

可矣豈敢非毀 先王乎然既求其言從而

罪之恐無以來諫故特原之

上教都承旨權斌曰予於宦官以其親近任使

之故小過或容而不治卿宜糾察如有凌轢

朝臣肆行不法者具罪以啓  
有大賈罪當流因保母乞免  
上曰王者無私  
敢以保母亂邦憲遂杖流之

成宗朝

成宗康靖仁文憲武欽聖恭孝大王

諱

德宗第二子 皇明天順丁丑七

月三十日辛卯誕降于東邸在位二十五  
年弘治甲寅十二月二十四日己卯昇遐

壽三十八葬宣陵

在廣州

世祖育 上于宮中封者山君嘗與母兄月山  
君婷讀書宮廡下羣宦列侍會天大雷電震  
小宦死侍者皆顛仆褫魄 上獨不變色舉  
止自若宮中異之

上誠孝篤至 三殿同處一宮事之如一甘旨  
必親調藥餌必先嘗 大王大妃晚年患疾  
每見 上病輒少間人稱孝感

追崇 懿敬世子為 德宗祔 太廟奏請誥  
命于 皇朝

上自少篤意經史尤邃於性理之學 皇明翰  
林侍講董越給事中王啟齋 詔來見 上  
歎曰老生舊聞賢王學問高明通達禮義今  
果愜所聞

上日召經筵官叩問經史尚論先儒同異之說  
歷代治亂之迹時有規風 上聽之疊疊輒  
至夜分諸臣請退 上曰古人有云接賢士  
大夫之時多則氣質自然變化予今日得聞  
所未聞裨益弘多不為疲也

掌令洪貴達言行幸時經筵官不得隨駕請自  
今侍從以備顧問古昔聖王論經講道夜分  
乃罷今 殿下日御三講獨夜對闕焉願自  
今夜召經筵官講論經史參究治道於是  
上召經筵官講國朝寶鑑仍論君子小人治  
亂成敗之跡命賜酒令今後經筵官二員直



宿

設弘文館於殿側選文學才行之士十七員以本職兼經筵更日直宿侍講經史規諷道義初世祖罷集賢殿命置弘文館而未及定制至是始設

上御經筵講訖檢閱李胄奏曰史貴記實以古史考之有曰勃然變色曰聲色俱厲曰容貌自若史官若不見容色何以記之中朝史官秉筆立帝之左右我國史官伏而記事臣竊以為不可上命自今史官坐而記事

命置經筵特進官自一品至三品備三望差除後復命玉堂長官并抄文蔭武二品以上曾經政府六曹漢城府者無定額賜宴經筵官于廣延亭諭曰人君不學而能治國者鮮矣卿等咸勸力學使我知進退存亡之幾治亂安危之跡其功不可不酬今賜酒樂以示予尊士重道之意春日可賞其各盡歡

上嘗觀尚書至木從繩則正后從諫則聖謂侍臣曰為君之道孰有加於此乎非獨人君為

臣者能受盡言而後能諫其君爾等亦宜知之

副提學成俛等陳治道語多切直 上命賜酒肴於弘文館以御書教曰罪諫者紂拜昌者禹不褒當時之直臣安能起後日之寒蟬故賜酒肴不妨扶醉

慶尚道觀察使柳輕於誕日書魏徵十漸疏為屏飾以金綃進之 上手書下諭曰卿在喉舌盡言不諱予嘉卿忠擢寄重任治務之餘留心格君之非書箴規於屏風警予心於屋

漏當寘左右以想卿嚮我之誠今賜御衣以彰卿愛君之意仍命中官賚法醞往賜謂曰屏之飾金綃未盡善也

命摹集趙孟頫字刻張蘊古大寶箴揭于便殿以自警親寫王禹偁待漏院記以賜承政院謂承旨等曰禹偁之記雖為執政而作然在位百執事皆可以代座右之銘况爾院為樞機之地乎

上好文士一時文章魁傑如曹偉申從漢俞好仁金訢尤被隆眷常所述作隨月書進成希

顏夜對賜酒果醉伏不省中官負出袖中之  
橘墮散明日下柑橘一盤于玉堂教曰昨日  
希顏袖橘意欲遺親故賜之

上雅愛俞好仁詩才息渥日隆然終不至大官  
蓋察其器不堪為宰輔也

賜白磁盃于政院教曰此盃潔淨無瑕注之酒  
塵滓必見比諸人若大公至正無一點私累  
則不善之事無得容焉

初 世宗命集賢殿學士賜暇讀書課製各體  
賞賚而激勸之人才輩出至是命政府吏曹

館閣堂上抄啓文臣年少者使之讀書山寺  
復修龍山廢寺名曰讀書堂使肄業其中時  
人謂之文章接以水精盃宣賜館官銘之曰  
清不涅虛能受德其物思勿負

教曰學校風化之源尊師養士為國之先務成  
均館釋奠之儀養賢之式 先王朝規畫已  
盡但慮餼廩有所不給且額外儒生則自賣  
其糧是豈予崇儒勸學之意其賜田四百結  
俾贍其用諸道鄉校亦各給有差

上行養老禮于成均館侍臣學子凡二千八百

餘人 上遂乞言於羣老羣老以次對梁誠  
之出袖中疏以進曰臣口訥不能言請以疏  
對 上覽之曰誠為治之藥石當置左右以  
時觀省

命立閣于明倫堂北賜內藏五經四書名其閣  
曰尊經

教曰予欲親行釋奠仍饋百官儒生其令儒生  
別製樂章以進八月 上親享文宣王仍大  
饗百官儒生是日與筵儒生摠三千餘人  
成均館典庫吏多通供士米有司欲令追償

上曰國雖小豈乏養賢之資其勿追償特給  
米三百石布五百匹大司成請備酒食會朝  
士及諸儒生以侈聖恩以為斯文盛事許之  
上以大學衍義卷帙浩穰萬機之暇難於披閱  
命判中樞李石亨刪其繁複撰進輯略又以  
為鑑戒之切莫如東史取麗朝事蹟編入於  
各條之下書成以進命刊印賜石亨鞍馬  
東文選成 上以我東方文章多炳蔚可觀命  
大提學徐居正抄出新羅至本朝詩文勒成  
一部以為藝苑之楷式

輿地勝覽成初 世宗撰地志如歷代史志之體至是大明一統志自中朝出來 上覽而喜之命宣城君盧思慎等倣其例成書

十一月日南至命禮曹判書李坡等考古葭管之制為三重土室以候黃鐘之氣初 世祖改作 宗廟俗樂 上每親享疑樂聲類西京別曲乃倣古法以求元聲命中官審視果驗賞坡等有差

上以樂院所藏儀軌及 兩朝樂譜年久斷爛多有闕漏命禮曹判書成倪等更加校讎分

為雅唐鄉三門名曰樂學軌範

教曰正殿用女樂非 祖宗常法 世祖特一

時權宜用之因循至今自今曲宴外凡正殿宴禮勿用之其歌舞之童預令教習

上採前世明君暗主所行善惡事蹟命工圖畫于屏詞臣作詩書于其上坐卧觀省以為勸誠

命採歷代帝王及后妃善惡可法可戒者釐為三篇名曰帝王明鑑后妃明鑑

繕工監言宣政殿乃接見天使之處丹雘宜用

真彩 上曰與其奢也寧儉仍舊而已何必華侈為也

頒紫緞囊子于政府以下及承史歲時亥囊子囊之制始此

教曰農桑國之本必身親見之乃知蠶耕之理其令後苑樹桑作水田

親祭先農親耕藉田 王妃親蠶教曰親耕所以供粢盛東西藉田是也稍有其實親蠶所以供衣服有其名而無其實今欲織作于大內其令造機選善織婢以入

上有疾醫云鯽魚可治 上曰今方雨潦捕採之人恐罹沒溺之患豈可以口腹累人乎

昌陵因山時筵臣請盡毀近地民塚 上曰山川不增吉地有限更千萬世陵室無窮恐後世人民無山可葬無地可耕宜自今立法勿廣禁限

定朝臣章服先是朝臣服色隨意製造雜亂無章至是命禮官議定

用鴉青草綠木紅不得用玉色緇色灰色淡黃色

耽羅獻真珠 上却之又命諸道進貢虎豹皮

言言車馬卷之二  
減其數

掌苑署進暎山紅一盆 上曰冬月開花特人為之耳予不好勿復進

湖南觀察使採玉進之 上曰此石似王者况農月煩民豈無其弊後勿更進

尚衣院以外方所進貂鼠皮品惡請退而易之上曰人主豈可以一已而勞民乎自今不甚惡者勿退

上雅慎重臨民之官保寧定山兩守令缺吏曹以錄事之試才中格者擬望 上謂院相申

叔舟等曰治民之官當用諳鍊吏事者何為以此輩擬望也

諫官言設科取士正為無階而進者宗親以王室肺腑之屬官高地近苟有才行不患上之不知何必與孤寒之士角藝而進且授之職不幸而不稱治之則傷息不治則廢法其所以任用者豈所以保全哉請宗親勿許赴舉命議大臣從之

上召尹漣責之曰訟自有該司爾何教毋請于中宮耶後復爾當罪之 中宮國母不可干

以私也。遘，妃兄也。

奉保夫人白氏請爵人。上曰：官爵公器，因內

謁爵人，則於國政何後？更言，予必不貸。

惠淑翁主下嫁申從漢之子沆。上謂從漢曰：

翁主下嫁，後謁舅姑古之制也。翁主生長禁

中，或有挾貴驕傲之弊，必須自少知禮習與

性成，而後能執婦道。卿勿以貴廢其禮也。

教曰：傳云：信婦德也。一與之齊，終身不改。是以

有三從之義，無一違之禮。自世道日卑，士族

之女不顧禮義，或奪情，或自媒，壞家風，玷名

教，若不嚴立禁防，難以止淫僻之行。自今再

嫁女子，孫勿齒仕版。

命罷女巫祈雨禮。曹以祖宗古例為言。上

曰：祖宗朝事，有可行，有不可行。

彗星見，承政院請設醮以禳之。上曰：在修德

不在祈禳。

上嘗寢疾，宮人等惑巫言，祈禱於成均館前儒

生李穆等，驅逐巫女。中使啓其由。上扶疾

起坐，曰：士氣如此，予疾若瘳矣。

先是，國朝誕日，勲舊之臣例就僧舍祝釐。



言言車要卷之二  
上曰詩不云乎求福不回豈可佞佛而求福乎命罷之

仁粹大妃造佛像送于淨業院儒生李麗等取而焚之 大妃請治麗罪 上辭曰儒生闢佛可賞而不可罪况自內聞之而命推儒生非人君之政也 大妃不能強

命驅出巫覡於城外又禁都城中念佛所毀撤城內外尼舍凡二十三所

鄉試對策有言祀佛禳禍者 上手札教曰今者儒生當國家舉賢之日不陳堯舜之道鼓

唱浮屠之法是欲使予如梁武之捨身唐宗之膜拜而後已乎號為儒者猶尚如此况無識士女乎宜令攸司推鞫屏諸遐裔

平安道有邊警兵曹請本道軍卒並令戍邊上教曰分番防守古有其法誰無父母誰無妻子靡室靡家予甚憐悶其令分番往戍教曰官吏深刻者失於羅織昏庸者失於淹滯羅織則深文峻法嚴加拷訊無辜之人橫罹斧鑕淹滯則依違不決動隔炎涼桎梏加身飢寒切已悲號疾病遂死狴獄豈不冤哉

謨訓輯要卷之二

